

گواہار

باقر علی شاہ

عاجہ یوسف جان عمر بہ طہیکی ہے

گواہ



28-4-2021

باقری علی شاہ



بلوچی اکیڈمی کوئٹہ

عبدالستار روڈ، کوئٹہ

(c) All rights are reserved.

اے کتاب و درائیں حق گوں بلوچی اکیڈمی انت۔
بیدے اکیڈمی و رضاء کش ایشی و مواداں چاپ کت نہ کنت۔

گواچار
(شاعری)

باقر علی شاکر

ء2018

ISBN # 978-969-680-067-5

نہاد: -/200

بلوچی اکیڈمی و اے کتاب ذکی پرنٹنگ پریس کراچی و چاپ کتگ۔

نام گیت

وقتی جندء

ناسر جمیں

واہگانی نامء

لڑ

نمبر شمار	سرگال	تاکدیم
1-	چیزے گپ پے شاعرے	10
2-	شاعری روزگارے نہ انت	14
3-	بند یگ	15
4-	چپ ء چا گرد ء شنگ، و ساج انت	16
5-	دل ز ہیرانی پاہو ء در تنگ	17
6-	چم جہل ء لگورانی چمد ار چیا بے	18
7-	واہگ ء دنیا منی اے نپت ء ہیراں آس دات	19
8-	اوشپ!	20
9-	برنگی و ہدے ترا گنداں شلیناں ارساں	22
10-	گزننگی	23
11-	رنگ ء دروشم، بوہ ء باس سُچیت	25
12-	کراچی ء کشکی ء سراپنڈ و کیس جتکی ء نام ء	26
13-	دہر ء کہ بلیت آس نو جوان سُچنت انت	27
14-	دل ہما انت کہ چہ بُن ء سستگ	28
15-	چو کہیب ء داب، وش بالا دکن	29

- 16- ندر پہ شیریں دیوانی 30
- 17- نسیم دشتی نام 31
- 18- اُمیت 34
- 19- جنگ دارگ نہ بیت 35
- 20- کجاشت ماہیں دُر دانگ کجاشت 37
- 21- وہدے کہ پُل بدن تہی ہر دانگ گوہرے بیت 38
- 22- نہ کرزیں چٹاں شراب ۽ رنگ اُنت 39
- 23- امیر خسرو ۽ حمید عدم ۽ غزل ۽ رنگ 40
- 24- واہگ 42
- 25- ساہ گریں دُنک ۽ اِداراج نہ بیت 45
- 26- باریگ 46
- 27- او ماہ پری! او گل پری! 48
- 28- منی شہر ۽ مردم 51
- 29- لُٹانی تہی شیریں من واس ۽ شموشاں 53
- 30- مان آپ ۽ دیاں، من چہ آس ۽ گوزاں 54
- 31- آس غم ۽ کنت اُنت، گیشتر ۽ مٹاپ 55
- 32- آسے انجیں بلیت ماں گل ۽ دیدگاں 56
- 33- تہی غم منا پر اُنت 57

- 34- شہر شررنگی ء امنیت ء سراپا تاں پل 59
- 35- مہلب ء مسک ء زرا پراں بوتگ 60
- 36- اے کئی باریں دژ منی کار آنت 62
- 37- گراں بہائیں تو وئی دیوان ء مارا درکتیں 64
- 38- جیونی ء بچ ء پیگام شہیدانی نام ء 65
- 39- چوں شموشاں من ترا کیلیں دمان 66
- 40- سمین ماہ ء روج ء نیام ء ودی بیت 68
- 41- وطن ماتیں 69
- 42- مہر ء بانداتیں تو کتاب سوتلگ 70
- 43- تخی حسن ء جمہر مدام جنت گروک 71
- 44- زرد ء منی اے حوناں رگانی تخی کہ رنگاں 72
- 45- نیائے پرچی گل مئے چارگ ء مرچاں 73
- 46- ماتیں وطن 74
- 47- دلوں کپتگ ماں وسواس ء 75
- 48- وش وش ء کند برے چلنشاں گلاب رتیچ 76
- 49- بیا کہ وت ء زورا ک کنیں 77
- 50- پد ابیا یک برے چاراں ترا را 80
- 51- زندگی لال ء درو شمع ء درین انت 82

- 83 -52 زُرّ کلمات و واہگ و بچکند گاں حیرات کنت
- 84 -53 غم و رنجاں کتنگ زندہ چہ بیزاری
- 85 -54 ڈوبرہ دل منی کئے الکاپ بہ بیت
- 86 -55 زور اکیں و ہدے نوکیں اے دلبراناں دیست
- 87 -56 مہوشانی مٹی انت و جی و جانی کس نہ انت
- 89 -57 مہر و ابانی پاکیں درگاہ بیت
- 90 -58 پل گدیں شاری گوں نگر ہیں دستان
- 91 -59 غم و آس و سُچان و بیا
- 93 -60 گلّیں جہان و کیلّیں تو شر ترے امل
- 94 -61 مہیری و ہدے ہسراں گوں بیت
- 96 -62 مابلوٹاں آدمان و گار بیت
- 98 -63 عشق و تئی بے قرار من ایوک و نیاں
- 100 -64 جاہے مہتاجی جاہے شاہی انت
- 101 -65 زندہ امیت نئے آسری
- 103 -66 دیدگاں چہ تر و نگلیں ارساں و تی گوارے پدا
- 104 -67 گناہ و لذت ثواب و گوازینت
- 105 -68 غم دل و سوچ آنت، بیا غماں سوچ ایں
- 106 -69 شہر و منی شتریں جنک

- 109 -70 نیم شہی پاساں گوزو کے درکیت
- 110 -71 دل تہا شنگ کباب انت
- 111 -72 ماہیں گوناپ چیر دا تگ
- 112 -73 مئے دل واہگ انت
- 113 -74 امیت واہگانی ماہ بدل بوتیں
- 114 -75 نزیر صوفی واہگول پہلی
- 116 -76 گوا جار
- 118 -77 مہکان بہ بیت ماہ واہج چو بہ بیت روشن
- 120 -78 ودار تہی دل من داراں کتگ
- 121 -79 نمیر انیں مہر
- 125 -80 ورنہ واہگوانک
- 127 -81 ماتیں وطن مہر دیا ر
- 129 -82 ہر دیں کہ واہگانی گلے رنگ بیت درا
- 130 -83 بدار گشتا نک واہگت بے قراری انت
- 131 -84 واہگ واہگ واہگوزان انت دل منی
- 132 -85 غم واہجانی تہی دیپان من اتاں
- 133 -86 رستہ گرکاں پرندوشی چہ یم واہگل کتگ
- 134 -87 دل گشتے آس واہسر انشگ

- 135 -88 منی ہمراہ رہے گوزی آس
- 136 -89 عشق آس چوں سچان پیلشانیں دل منی
- 137 -90 ترا سہت غترا زیور، ترا سہر گشان بکشات
- 139 -91 مرادانی گلیں منزل من گوازینت راہ چاری
- 140 -92 کیپاں تنگے بگر، زرد آس شמוש
- 141 -93 چار بندی

چیزے گپ پہ شاعرؔ

پنجار:

نام باقر علیؔ پٹام شا کرانت، ودی بوہگؔ تاریخ 16 دسمبر 1966ء و دی بوہگؔ جاہ، وتی پیرک کہدہ یوسفؔ گسہا پسر انت۔ باقر علی شا کرؔ ہشتی جماعت آپسرؔ اسکولؔ در برگؔ رند میٹرک چہ ماڈل ہائی سکول تربتؔ ایف اے گورنمنٹ ڈگری کالج تربتؔ کتگ، بلوچیؔ، پیدا اردوؔ ایم اےؔ ڈگری گپتگ۔ 1999ء ماں اردو لیزانکؔ لیکچرارؔ چکاس چہ بلوچستان پبلک سروس کمیشنؔ پاس کتؔ اسسٹنٹ پروفیسر اگدہؔ سراتر تٹی دنیگ بوت۔ داں 3 سالؔ گورنمنٹ انٹر کالج ہو شاپؔ اوڈلی پرنسپلؔ اگدہؔ سراتر کتگ۔ اے وہدؔ گورنمنٹ عطا شاد ڈگری کالج تربتؔ اسسٹنٹ پروفیسر اردوؔ بتارؔ اردو لیزانک و انینگؔ انت۔

لبزانکی حُب:

باقر علی شا کرؔ اسکولؔ وانگؔ و ہداں شاعریؔ حُبؔ واہگ بوتگ۔ آئیؔ وانگؔ زمانگؔ شعرؔ کسانکؔ آزمانکؔ نبشتہ کتگ کہ ماہتا کؔ تا کبند اں چھاپ بوتگ انت۔ آگوں بازیں لبزانکی گھاں اوں ہوار بوتگ۔ تربت شہرؔ اوڈلی

رندا جوڑ بوتلیں لہزائی گل ”لہزائی کاروان“ ء ”کچ لہزائی مجلس“ ء باسک ء اگدہ دار
بوتگ۔ مرچاں ”مٹلا فاضل اکیڈمی“ ء گوں ہوار انت۔ آئی ء ”ڈرائیٹک سوسائٹی آبسر“
ء اسٹیج کسمائکانی تہاواں بہر زرتگ ء کسمانک، فیچر کنگ ء مسکرائی شعر ء پر بندواں
نبشتہ کتگ۔

عطا شاد ڈگری کالج تربت ء تاکبند ”کچ“ ء اردو بہر ء شوکار انت۔ شاگر
اردو ء اوں شاعری کنت بلے آبلوچی ء شاعری ء چہ ابید آزمانک نویس ء کسمانکارے ء
بتار ء پتارگ بیت۔

ریڈیو پاکستان تربت ء ہنداتی دور ء چہ پروگرامانی تہا ہوار انت۔ اے
درگت ء آئی ء بازیں مشاعرہ، گپ ء تران ء اے دگہ پروگراماں بہر زرتگ۔ ماں
مشاعرہ آں شعر دپکال کتگ ء پروگرامانی کمپیئر ء جارچین اوں بوتگ ء انگت ء مرچاں
سہب ء سر ء پروگرام ”صبا ء مستگ“ ء جارچین انت۔

شاعری:

باقر علی شاکر وت گلاہے نہ انت۔ ہر جاہ ء وتی سپت ء ستاء نہ کنت ء نئے
کہ شعر کشی ء مزنی ء ہمک مردم ء دیم ء درشان کنت۔ وتی نزیک تریں دوست ء
بیلائی دیواناں شعر کشی ء حب ء درشان کنت۔ ہے سوب انت کہ پہ وتی نامداری
ء ہاترا کدی کشندہ، ماہتا کانی شوکار، لہزائی گل ء اے دگہ وتساچیں بتانی منت
دار نہ بوتگ۔

آنامداری ء وسیلگ شاعر ء ازم ء پگر ء لیکیت بلکیں شاعر ء شخصیت ء
کرداں نہ لیکیت۔ آئی ء حیاں انت کہ شریں شاعر ہما انت کہ آئی ء شاعری از می تک ء

محکم بہ بیت و پگری تک و انسانی چا گرد و آئی و چست و ایراں گوں ہمگر پنج بہ بیت۔
 باقر علی شاہ کرتی پسند مکتبہ پگر و شاعرے کہ آئی و شاعری انسانی چا گرد و آئی و
 جیڑانی سراوانوک و جیڑگ پرمانیت۔ آئی و شاعری و گیشتر بنگپ، مہر و دوستی انت
 بلے آئی و شعری پگر و یک بہرے بزرگ، پوریاگر، زوراک و زور، ایمنی، انصاف،
 راج دوستی، وطن دوستی و حق پرستی و گرد و چکریت۔

اے کتاب و بازیں شعری و ورنائی و دور و در شاہنگیں حیاں انت پمیشکہ
 بگندے جاگہ جاگہ ازی و پگری زوری اول گندگ و بیت۔ آئی و در شاہاداب سادہ
 و روایتی رنگ و انت۔ بلے پگر چہ فطرت و چا گرد و گستا و آن نیچرل نہ انت و آنیچرل
 شاعری و مٹوگرے۔ نیچرل شاعری و آن نیچرل شاعری و بابت و سرپدی نیں وانوک
 زان انت کہ کجام تہر و شاعری گوں زند و تیوگیں تک و پھناتاں گوں ٹوکی کنت و آ
 نیچرل شاعری لیکگ بیت۔ مرچاں آن نیچرل شاعری و رومانیت پسندی پمیشکہ دیم و
 آہگ و انت کہ مردمانی زند و جاور چہ فطری رہنداں سک و ورنانت۔ چا گرد و راہ و
 رہند چہ انسان دوستی و گستاڑ بوہگ و انت۔ چکیں راہ و روگ و بدل و چپ و چوٹیں
 راہ مردماں دوست تربیت۔ ہے سوب انت کہ مرچکیں شاعر مہر و اول انسانی چا گرد و
 بدل و سنگ و خاک و بتانی چا گرد و شوہاز کنت۔

کرتگ ات باقر! بہشت کہ بزرگاں پہ واہگے
 پلہیں مہر و دوستیانی ہلک میراں آس دات
 (شعیب شاداب)

شاعری روزگارے نہ انت!

شاعری کٹ و کمانی و گونگ نہ انت، شاعری روزگار و لاپ و شوہاز کنگ و
 کشک نہ انت۔ شاعری انسان و تہی مارِ شتانی نام انت کہ ایوکی و ساعتاں پمیشکہ بے
 انانی پذیر کنگ بیت کہ دگرے و گوں بہر و بانگ کنگ و یا کہ شاعری و گونگ و
 شاعر و دل و کھمت دومی مردم و سر بنت تہ آئی و دل و غم و اندوہ بہر و بانگ بنت۔
 ہمک چیز و ہیل گرگ و ہا ترا یک رہ در برے الم لوٹیت، بے رہ در برے کے
 علم و مڈی و رادر نہ بارت۔ شاعری اوں یک علمی مڈی ایت ایشی و پیک و ہنرانی
 ہیل گرگ و ہا ترا یک انجیں مردے لوٹیت کہ نور براناں جوانیں راہ و تر ہندی و شون و

بہ دنت و آبانی دلہڈی و بہ کنت، پمیشکہ شاعری و بہے رپک و ہنرانی گیشیں ہیل کاری و
 سروسوج، من چہ واجہ ابراہیم عابدہ گپنگ۔ وقی لیزا کی سفر و من واجہ نذیر احمد صوتی،
 واجہ ایم ایچ غلیل و حدامری عاقل باباء منت واراں کہ اے واجہانی ترہ در بری و
 دلہڈی و ڈڑیں سروسوج و نیکیں و ابگ مدام گول من ہمراہ بوتگ انت۔

باقری شاکر

بندِ یک

زند ء تہاریں کوئی ء
 من نشتگاں اُمیتی ء
 یک دہے بلکیں بام دنت
 اے بندی جاہ ء ملکموت
 زوراک ء یمناک ء تمرد
 کولان بہ بجیت دم بہ بارت
 ساہ ء بہ کشیت ایں منی
 (یا) شہر ء منی برات بنگویں
 لاپ ء شدیک ء گزنگیں
 کرنانی واب ء جہہ بجنت
 زانت ء وتی برجاہ بہ کنت
 ء بندی جاہ ء چہ من ء
 گرکانی دست ء درہ کنت
 زند ء تہاریں کوئی ء
 اُمیت ء یکیں زندگاں



چپ ۽ چاگرد ۽ شنگ و ساج انت

هر دمان دل نون قهر ۽ آماج انت

کٽه ۽ گپ ۽ کس نه بيت رهشون

سوب ۽ واهندي په تگ ۽ تاج انت

مرگ بيت الم نون پڅش راج ۽

اے کش ۽ کپ ۽ آکش ۽ ناچ انت

کٽه به دنت ملک ۽ کٽه به کنت مانا

تيوگيس بلک ۽ مردماں چاچ انت

زند تي درد ۽ پٿر ۽ باقر

اندوه ۽ رنجاني وٽا آچ انت





دل زہیرانی پاہو ء درتگ
دُوری ء دوست ء درد ء کونج انت

ایمنی زند ء چہ گلیں بیگواہ
ہر گور ء آس انت ہر دل ء رنج انت

مہر دنیا ء وٹ تریں لذت
آزمان مہر ء موسم ء سنج انت

من تئی چٹانی کتاب ونگ
انگت ء کتہ تئی گڑ ء منج انت

ہر کجا مولم تئی بہ باں ہمراہ
بس ہے ٹیکی باقر ء گنج انت



حجم کٹانہ

چم جہل ء لگورانی چمدار چیا بے

پہ پینڈ کے نان ء تو مردار چیا بے

پوشاکاں گلامی ء رزوائی ء پوش بے

بازار ء بہا پرچہ بے سار چیا بے

ہر کس بہ کنت پکر ء وتی، دنیا ء رواج انت

پہ نوکیں جہان ء تو گموار چیا بے

باہند بہ کن توپان ء وڑا چست بہوت

وازمندگیں آشوبی ء رہچار چیا بے

دنیا ء تھا باقر تو نامے درآر پہوت

پہ جوانیں وتی زند ء بیزار چیا بے



واہگ ء دنیا منی تئی نپت ء بیراں آس دات
تو بدل بوت ئے مناتئی، درد ء تیراں آس دات

دژمنی پندات ء دیست من پہ ہے واسطہ امل
کینگ ء کست ء حسد ء دیر دیراں آس دات

من ہما روج ء سُچان ء پیلشانان بیرگ ء
سہرچکیں لٹھانی تئی کہ پن ء ہیراں آس دات

تو چراگ ہردے کہ کشت انت مئے وفا ء دوستی ء
ہرگور ء مئے واہگانی شہد ء شیراں آس دات

کرتگ ات باقر! بہشت کہ بزگراں گوں واہگے
پنلیں مہر ء دوستیانی ہلک میراں آس دات



اوشپ!

اوشپ!

من گاراں، منی دل گارانت

اے کهرمانیں لُنجی ء

مهرانی منی منزل گارانت

چہ تہاری ء من وتارا نگنداں

گشتے یک سیاہ ء محی ء

مانپوشنگ ہمک چیز ء را

کہ باگ گارانت

باگ ء بلبیل گارانت

اوشپ!

ماہ ء ماہ ء اے ماہکانی ء

نلوٹاں کدی من

کہ اے مرمر اٹکیں ماہکانی

منارا پکار نہ انت
 منارا اے دُور میں اشکریں
 استالانی رُژن پکار انت
 بلے کے دیمتر ابیار انگت
 اے استالانی رُژن ء
 کہ راہ گار انت
 راہ ء پیل گار انت
 نوں برواں کجاگو
 او شپ!

او! تہار ء یمنا کیں شپ
 من گاراں، منی دل گار انت
 اے کہر مانیں لُنجی ء
 مہرانی منی منزل گار انت



بڑگی وہدے ترا گنداں شلیناں ارساں

آ شپء ء اب نیت، ننداں شلیناں ارساں

واہگ ء مہر ء تئی بُرتگ منی ہوش ء قرار

نشتگاں پرتو غزل بنداں شلیناں ارساں

پہ تئی دید ء مدامی چو گنوک ء گرداں

عشق ء بدواہ کہ سرء کنداں شلیناں ارساں

پُلیں دیوانء نہ گریواں کہ بہ بیت عشق درا

ایوکی ء یات ء تئی ننداں شلیناں ارساں

کس کسی ہمراہ نہ بیت راہ ء وفا ء باقر

چہ گلیں دوست ء دل ء سنداں شلیناں ارساں



گُزَنگی

گُزَنگی، کُشیت گار کنت

بارت ہوش ء وار کنت

دُڑی، دُنگی، لُچی

پر مائیت انت ہریجی

گُزَنگی کنت بیکار

گُزَنگی کنت بیمار

وَشیانان پللیت

شاد بانان پللیت

زندگی ء کنت شزار

گوں غماں کنت دُچار

لَنکھی ء پہ زروک

گُزَنگی کنت گنوک

دین و ایمان و بارت
مهر و مہروان و بارت
گوشی کشیت گار کنت
بارت ہوش و وار کنت



رنگ ء دروشم ، بوہ ء باس ء دل سچیت
 مہر ء تنگیگ، کھر ء آس ء دل سچیت
 وانگ جاہاں جنگ ء نوبت داں کہ است
 ہر کسی پہ جند ء براس ء دل سچیت
 کیت گوشاں ہر دیں تیرانی توار
 سیہ شپانی پاس پاس ء دل سچیت
 بیاجمین ات چاپ ء نازینک سوت ء ساز
 سوز ء رنج ء ، کیپ ء تاس ء دل سچیت
 کرنے باقر پٹ ء پول ء گوشت بلنے
 انگت ء پہ دڑیں لاس ء دل سچیت



کراچی ء کشکے ء سراپنڈ وکیں جنکے ء نام ء

زرد ء ارمان بُن انت زرد ء لذت بُن انت
کرنے چو نیں پراتک، ننگ ء عزت بُن انت

حون ء ارس اول شلینت چہ دو نیں دیدگاں
کس ء چکے نہ جت، قہریں قسمت بُن انت

شک ء حیرات بنت کاڑ ء ہر رہگوزی
گنجیں زیبائیاں رب ء جنت بُن انت

زیداں بیا آس بدار ء بسوچ کچھراں
کشت اش حمل پدا گلّیں کمت بُن انت

مرچاں گپ راسی ء کس ء باور نہ بیت
پٹو کھارادر ء پن تریت بُن انت

جولائی ۷۱ / ۱۹۸۵ء کھارادر، کراچی



دَہر ء کہ بلیت آس نوجوان سُچنت اِنت
ماتانی دل ء واہگ ء ارمان سُچنت اِنت

لَٹک اے دیوکیں بیا آس ء بتوس اِت
بے نگی ء جاہ ء ہم ایمان سُچنت اِنت

امروز ء مہ بند پہر ، امروز ء منی دوست
وٹّی ء ہزار رنگیں دیوان سُچنت اِنت

قہرانی پدارات تیرگواریں اے کست ء
مہر شہر ء مہ گواہیت ایں انسان سُچنت اِنت

درپشوکیں تئی دیم ء کہ آس بشانیت
مئے پیسیں گنوک دائم حیران سُچنت اِنت





دل ہما انت کہ چہ بُن ء سستگ
ماہ بلے دوشی ماہ گر ء گپتگ

حیر بہ بات مہدیم ء گلیں رنگ ء
پُل گلاب ء اوں مرچی گیمرتگ

تراگاں ہر شپ داگ دنتیں آس
سہب بیت کُل ء بے سما نشنگ

توسگ ء نیت کس، اے دل ء آس ء
قہریں امروز ء برانز پیلشتگ

آقت چے بیت راج ء ورنہ ء
بے سما ناچ ء سہبت ء دیستگ

رند ء شوہاز ء چوں رسیت باقر
میش رر کاریت واجہ کہ مُرتگ





چو کہیب ء داب، وش بالاد مکن
وچگیں یاتاں چه داب ء پاد مکن

نیست ترا غموار چچ پُشیش ادا
دل گنویں بازیں تو فریاد مکن

تو غم ء قید ء کدی آزات نہ بے
پہ منی زہر ء وت ء چو شاد مکن

من تئی دید ء مرادیگاں امل
دژمنناں گوں تو مه نند ء نیاد مکن

من تئی مہر ء کس ء آریز وتاں
ہر کس ء پہ دیم میار ء سیاد مکن

روچ ء شپ باقر ترا رنجیننگے
آ گلگیں کاڑ ء تو ہجبر یاد مکن



ندر پہ شعری دیوانی ء

منی دوزواہ غم ء آس ء زراباں کُشت
منا وہدے تئی زوراک عزاباں کُشت

منی براس کُشت واری ء شُد ء دُنگ ء
تئی وارث شراباں کُشت، کباباں کُشت

شמוש ات سامی ء من چوں کناں مچاں
ہمید پیرک منی میر نواباں کُشت

نبشتہ باقر ء قبر ء بکن اے پیم
اے بڑگ وانگ ء مہر ء کتاباں کُشت

نسیم دشتی ء نام ء

مہر ء وفا ء گپ بیت
دل ایر مریت ء کپ بیت
لنجیں شپاں ماں تراگلاں

حونانی ہار ، ارسانی ہور
بمب ء تپنگانی توار
ہر نیمگ ء بیت زار زار

داں ہر صبا انجیں وڑے
بے چاڑ کنت پہ انجشی
زرد ء کشے جنگ ء پڑے

اپسوز ء ارماناں وتی
اندوھ ء سوزماناں وتی

سک کہت ء چہمیاناں وتی
گوں واہگ ء اومانان وتی

لہڑیں دل ء حوئیں غماں
ہر ساعت ء من ہر دمان
پچی دگہ دست ء نہ بیت
درشان کناں، تالان کناں

ہمبل منی! زیر تو قلم
دراہیں دل ء اندوہ ء غم
راج ء خیال، لال ء ہتم
دیم ء بجن، بیا نوں قدم

گنگی ء بے ترک ء توار
پٹا نیت خشک ء بہار
راج مئے توامیں واب کہیت
گوں کیپ ء بنگانی ملار

اے کاروان ء تو سروک
آزمانک ء آزمان ء نوک

زیر تو قلم تئی رند پداں
دانکے گراں ، ما پشت کپوک
دیمیر ہی ء گنداں عالم ء
زورانسریں من زالم ء

دیوال حوناں لپ بیت
مینگ ء تئی دل ٹپ بیت
ہرجاہ کہ مہر ء گپ بیت
دل ایر مریت ء کپ بیت



مئی ۱۹۸۳ء بلنگور

اُمّیت

آے غمانی

روح و شپ روک انت دلء

کس نیت تو سگء

نشتگاں تهنائیء

رہگوزے بلکیں گوزیت

جنگ دارگ نہ بیت

پلّیں ماہ ء پل انت
 روچ ء دزگیر کن انت
 زند ء دُنگاں کش انت
 کوباں درد ء دُل انت
 آس دینت ترانگ ء
 آس دینت وانگ ء
 دُڑیں آ دانگ ء
 اشرفی چانگ ء
 جاک ء سلوات ء دُور
 قہر ء نہیات ء دُور
 چڑاں ہر نیمگ ء
 واہ ء پریات ء دُور
 گلزمین ء گہیں

داں کہ بدوا ہے است
 داں کہ زروا ہے است
 داں کہ حوناں وُرانت
 داں کہ مردم کُش اَنت
 داں کہ لُٹ اَنت پُل اَنت
 داں کہ مہرانی دُنگ
 داں کہ گورانی ننگ
 داں کہ براتانی خون
 داں کہ بچانی جون
 داں کہ است، داں کہ است
 داں کہ است دژمنی
 داں کہ نیت ایمنی
 جنگ دارگ نہ بیت
 جنگ دارگ نہ بیت



کجا سُت ماہیں دُر دانگ سَلجا سُت
 طلاہیں اُشرنی چانگ سَلجا سُت

تچاناں چُنت کرنیں من شوہاز ء
 زاناں من آ دُر دانگ سَلجا سُت

مہارانت کوری ء مہلوک گلیں
 آ رُژن ء زانت، آزانگ سَلجا سُت

ایبتکیں دُن ء یک ویراگی یے
 بہارگاہیں دل ء ترانگ سَلجا سُت

چیا باقر تئی دست ء چینگے
 کتابانی گہیں وانگ سَلجا سُت





وہدے کہ پُل بدن تئی ہر دانک گوہرے بیت
ارسانی اے تچوکیں شہ جو یک آپسے بیت

بچکند گے در بیت تئی سُہرچکیں چہ لُٹناں
گرائیں منی گمان ء اندوہاں آسے بیت

اُمیت ء من پمیشکہ اُمیت واراں دائم
بے بندریں گنوکاں روچے اول بندرے بیت

سہتانی بندی حائل تئی پُلّیں دروشم ء چے
بیچارگیں پہ شے ء زوراکیں چاکرے بیت

گندیت منارا ہر کس حیرانی ء گشیت کہ
سوک ء دل ء نزائنگ باقر اوں شاعرے بیت





نہ کرزیں چٹاں شراب ء رنگ اُنت
انارک سُہریں گلاب ء رنگ اُنت

من زاناں مہر ء، گناہ ثواب اُنت
منی دی کارپد ثواب ء رنگ اُنت

اُبد کہ مانیت اُنت دروگ مرچاں
داں راست خُشکیں کتاب ء رنگ اُنت

دل اُنت پتاتگ کہ ٹال ٹال ء
تئی مسکیں مہر تناب ء رنگ اُنت

ترا چوں باقر آ داد بکش ایت
تئی گال جوہریں جواب ء رنگ اُنت



امیر خسروء حمید عدمء غزلء رنگء

زند و شالی توار ات ہر کجا من دیتگ ات
باگ پُلانی بہار ات ہر کجا من دیتگ ات

آ پری رنگیں کساں سال گوں ٹھماریں دیدگاں
شادِ ہاں کُلیں ہوار ات ہر کجا من دیتگ ات

سُدھ ء ہوش ء چہ جُتات ماں دگہ دہری ء دل
ہار ء ہیر و پاں دُچار ات ہر کجا من دیتگ ات

بے کساں کٹیپ، مہ و شانی لٹیپ، پدا سوت ء سرور
شہر مہرانی دوار ات ہر کجا من دیتگ ات

ہلکہ ء کاٹانی ٹولی اتک انت توسیپ ء گل ء
شے مرید بور ء سوار ات ہر کجا من دیستگ ات

آزمان روک ء ترپان ات گندگ ء رنگ ء تی
چاروی ماہ اول تہار ات ہر کجا من دیستگ ات

ایوک ء باقر برجان انت انگر ء آساں غم ء
گلیں امروز پہ قرار ات ہر کجا من دیستگ ات



واہگ

ماہِ گونگ، روجِ دردِ در
استالِ پورانی ہمسر
وہی زندہ روچاں کناں پتو من ندر
منی ساہِ بیابن
منی روچاں بیابن
منِ بے مراد کن
غماں آسہر کن
وہی دادِ دیشِ بکن دائمِ برجہ
وہی رنگِ گیشِ بکن دائمِ برجہ
منی ویشِ نیتک
بدئے زندگی
دگہ سگتی
بیو ماڈیاں ٹل

شپانی تو پاساں
 انارکائی واساں
 ہمک واہگاں پُل، ہمک لڈتاں گر
 بنیت زردء ہٹے
 ودی کن یکت پٹے
 منی نامء پرکن
 منادژ منے کن
 منی ترا نگء گچ
 شپء روج ہر وہ
 وتی واہگانی
 وتی شادہانی
 منا ملکمو ت لیک
 منا حونی یے لیک
 داں کہ تئی پُل، تئی ساہء ارواہ
 بجنت مرگء چہ پد، منی مانشء لٹ

گدورشات دنتان
 منی مانشء داں کہ بتیت تاہسیر
 گنوکیں منی روح بہ بیت پٹمن واتر
 غماں بتیت آسر
 منی ماہیں دلبر!
 وتی زندء روچاں کناں پٹومن ندر
 منی ساہء بیابر
 منی روچاں بیاپل
 منابے مرادکن
 غماں آسری کن





ساہ گریں دُنک ۽ ادا راج نہ بیت
مکھیں ڈیہہ منی تاراج نہ بیت

انوں تئی دُور انت تو لوگ سوتکہ منی
یکش ۽ پس تئی سرتاج نہ بیت

من اگاں مرتاں بلے دیما تئی
دست زہگانی منی دراج نہ بیت

وِشدلیں دُورے من انجیں کاراں
کے شاہ ۽ کے مہتاج نہ بیت

زند گوں گور گنداں گوزیتیں باقر
تئی سرا وِشیانی تاج نہ بیت



باریک

سُہب ء بیگاہ نشنگ ء پکرانی چاریناں رَمگ
 زَنگ زُرنگ زانگ ء، ء زُژن بیگواہ ماں جہاں
 یلِیں مُرتاں من شُدء لاپ، گُژن بیگواہ ماں جہاں
 چوں بہ رُکیناں وت ء من، آس ء آپ اِنْت ہر دَمگ

ایمنی نیست گلزمین ء چاریں دیم ء جنگ جنگ
 مہر ء بازار آس گواریت، زرد ء ارمان ہم بہا
 ڈاہ ء شور اِنْت دہر ء مریچی دین ء ایمان ہم بہا
 چند ء ہنکین ء وتی دی آدمی ذات تنگ تنگ

کِشک گارِ اِنْت کاروانِ ء، منزلِ ءِ رہشونِ گار
 بے کسیِ اِنْت، بے ویِ اِنْت گریوگِ ءِ زارِ اِنْت اِدا
 کہراں ماں رُپنگِ جہانِ ءِ براتِ نہ بیتِ براتِ ءِ رِدا
 راستیِ ءِ ننگراہاں باریں چُنت ہزاراں جونِ گار

ایرِ براں ماحینِ ءِ زہراں وِشیاں پہ کپتگاں
 نوبتِ ءِ باریِ منیِ کُنیت، منِ پہ اوستے نشتگاں



اوماہ پری! اوگل پری!

لُنج ء تہاریں یک شے
 او ماہ پری! او گل پری!
 مہلوک گلیں واب کپیت
 سدھ ء سما ء کس نہ بیت
 بزمش ء چڑ کہ چچ نہ بیت
 بنی آدم ء گلیں کہ گپیت
 وش والی ء نادراہی یے
 لُنج ء تہاریں یک شے
 یمناک ء تُرسناکیں شے
 او ماہ پری! او گل پری!
 دُور دُور ء چہ بنیتیں توار
 بس تولگ ء ہولاسکے
 یا کہ کروس ء بانگے ء

یا کہ کُچّاں چانگے
 او ماہ پری! او گل پری!
 مرگ ء دُچاریں ساعتاں
 انسان گلیں واب بہ بنت
 لوگ ء وتی تحت ء سرا
 بس کیلیں تو آگاہ بہ بے
 تاہیر منیت بے واب بہ بے
 لُنج ء تہاریں یک شے
 ترسناک ء بیمناکیں شے
 گیر بنیت ترا کسے اگاں
 جمبور بہ کنت تئی تراگاں
 کس داشت مہ کنت تئی واہگاں
 ہر نیمگ ء توپان بہ بیت
 پتو جہان چو آس بہ بیت
 او ماہ پری! او گل پری!

مہر ء اے گرائیں ساعت ء
 کوکار کنان ء در بیا
 دیوال ء ہر ڈوک ء بگوز
 ہر شپ ء آپردار ء بگوز
 ویرانگیں جاہے درا
 گندے گنو کے ناگہاں
 سرسر جنان پتو تچان
 نام ء تئی پلین گران
 او ماہ پری! او گل پری!
 لُنج ء تہاریں یک شے
 پھٹناک ء ٹرسناکیں شے
 مہلوک گلیں داب کپیت

منی شہرء مردم

گنوک آنت ناں سار آنت
 ناں سیر آنت ناں وار آنت
 وت ء چہ شزار آنت
 غماں بڈ ء بار آنت
 منی شہر ء مردم

برے راست مٹاں
 برے دروگ بنداں
 برے کھراں دَرشاں
 برے مہر گواراں
 منی شہر ء مردم

برے زار ء واہ آنت
 برے دل پہ راہ آنت

برے گوں ثواباں
 برے گرک گناہ آنت
 منی شہر ء مردم

برے کشت ء گوش آنت
 برے دست ء گوش آنت
 برے حوناں میچل
 برے پھک ء ہوش آنت
 منی شہر ء مردم

ابیٹکی ء چار آنت
 اے درداں نہ مار آنت
 اے پھم آنت نہ پھم آنت
 دل ء چ نیار آنت
 منی شہر ء مردم



لُٹانی تئی شیریں من واس ء شموشاں
یا زرد ء غم ء رنج ء وسواس ء شموشاں

تئی ترانگ ء گرانیں غم زندے بہ بکشاہیت
لُنجیں کہ شپ ء تُرس ء ہر پاس ء شموشاں

ماں مہر ء پڑ ء الم کیت گٹ ء گر و چیل
ہر کُچل ء مارجین، من ہر تاس ء شموشاں

کندیل منی اُمیت ء اندیم نہ بیت کرنے
چوں گوہر ء مُوارد، چوں لاس ء شموشاں

آ روج منی زند ء بہ بات گڈ سری باقر
کہ شیرچک ء زیبا تیں کر پاس ء شموشاں





مان آپ ء دیاں، من چہ آس ء گوزاں
 ہاترا تئی پری ہر کساس ء گوزاں
 تو بہ شان ئے کمائیں کہ برواناں دوست
 شیشنگ ء رہسراں بے سواس ء گوزاں
 تئی ہمک دابے ء من وراں بش بشے
 غم منی چہ دل ء، پاس پاس ء گوزاں
 ترپے ارس ء بدل یک تلاہے منی
 تئی گور ء گوہریں من چہ لاس ء گوزاں
 نیم شپی پاساں پہ ترس ء پاتراپ ء بیم
 تئی گور ء کایاں بس خشکیں واس ء گوزاں
 نام ء باقر منی بس یک بہتامے بس
 من وراں ہر دیں پڑے چہ تاس ء گوزاں





آس غم ۽ کنت انت گیشتر ۽ یثاپ

سرشپاں هردیں ایر براں ترند آپ

سینگ ۽ روکیں بیا بتوس آس ۽

ایوکی گران انت دوست مرو اشتاپ

تو بکن کرن ۽ واهگاں درشان

من وتی زرد ۽ هم کنناں الکاپ

یک برے واپ ۽ دیست پشی ۽ من

انگت ۽ نکش انت تی گلیں گوناپ

گلہ ۽ زلگاں نیست نپے باقر

نوبتاں مهر ۽ بیا بدے زند آپ





آسے انجھیں بلیت ماں گل ء دیدگاں
روک بیت گلزمین، روک بیت آزماں

گران انت تہنائی ء ڈیل ء بالاد ء درد
بہر ء بانگ بیا کناں زند ء گرانیں غماں

کیپاں مہر ء بدئے مستیں چٹاں وتی
واس ء واہگ گلیں تلوسین ایت شپاں

چو زمین جسمی ء زرد ء لڈت نہ روت
بیت چہ تاک ء درا سہرچکیں تئی گشاں

رنگ ء تئی دروشم ء شہبے دلمانگ انت
ماہ ء استال ء روچ، سنج ء داں کلکشاں

عشق ء آس ء دل ء کُنڈی ء کُت سُرک
جان ء ہر بند ء بوگ مرچی باقر سُچاں



تئی غم منا پر انت

تئی غم منا پر انت
 ہر دمان ء ہر ساعت ء
 مرچی ء تاں قیامت ء
 ماہ ء درور، دوست ء دلبر
 تئی پادمنی چٹانی سر انت
 تو دگہ چچ غم مکن
 تئی غم منا پر انت
 کہر ء دریا بہ بیت
 گرائیں غمانی چول بہ بنت
 شرنگاں بوجی بہ بیت
 ہار ء ہیر وپ بہ بنت
 گزات ء تو پان بہ بیت
 مست ء بے راہیں ترونگل بہ باں

پادتراول بہ بیت
ڈیہہ ویراں بہ بیت
ہلک لگتہ مال بہ بنت
دوست منی، ساہ منی
مہر ہر ڈول آہ پیداویر انت
تو دگہ چغ غم مکن
تئی غم منا پر انت



شہر ء شر رنگی ء اُمیت ء سزا پاتاں پِل

انجو کشکانی سرا باز رچاتاں پِل

واہگانی شب ء ترس ء دلوں لرزینت منی

ہر کش ء کڑ ء گؤراں ایر بیاتاں پِل

رنگ رنگیں ہمک رنگاں منارنجینگ مدام

چوشیں بے ترانگ ء بے دردیں سُچاتاں پِل

کسے چمّاں چہ زبہر ء کسے ہوش ء چہ بروت

باگیں امروز ء بہشت ء آ مرا تاں پِل

ایمنیں گواتے بہ چنڈیت منی دلبد ء سرا

لرزک ء تاک ء وڑا تنیگ ء سُراتاں پِل

ماہیں کاڑانی گور ء جیگی ء تاک ء باقر

منی لبزانی ہمک رنگ ء چناتاں پِل





مہلب ء مسک ء زاپراں بوتگ
ماہ ء درور کہ سرگراں بوتگ

بارگیں کنید ء باڈی ء والیگ
حوری گوں سہت ء زیوراں بوتگ

کُہت ء اپسوزیں سست نہ کت یے
درچک مرادانی گوں براں بوتگ

من نماز عشق ء سی شپ ء وتنگ
دیم دائم گوں دلبراں بوتگ

تو نیتک ے ۽ ناں کلہے دات
دل ہما روج ۽ اشکراں بوتگ

نیست گسد لال ۽ گوہر ۽ رنگ ۽
براہ ۽ جلوہ تئی مہیراں بوتگ

جہ جنگ پے مارگاں باقر
نام تئی عہدی دپتراں بوتگ





اے کئی باریں دژمنی کارِ انت
دوست منی مرچاں سک گلگدارِ انت

ساعتاں شہدیں کتے بیت گستا
آ بزاں پاکیں مہر ء دیندارِ انت

واب ء تئی نیاواں کرنے نوں گوستگ
دل منی انگت پٹو حُب دارِ انت

ہوری ء مہر ء تو ایمنی بُرت گوں
نوں ہمک چیز اوں زَر ء بیپارِ انت

وٹھی ء روچاں سد ہزار درکیت
سکی ء روچاں یکے درکار انت

حوناں چونسیت ء مردماں درنجیت
مئے ہما کس کہ ٹک ء سردار انت

آ دگہ دور ء رندپہ انت باقر
اے دگہ دورے چم اول چمدار انت





گراں بہائیں تو دتی دیوان ء مارا دَرگتیں
 واہگانی کوہیں انبار کھنکے تو سَرگتیں
 دیستگ ات کہ ردگتگ ما زندگی ء چچکیں کشک
 دست تو دست ء بداتیں راہ ء نیم ء، شَرگتیں
 زار زار ء کہ نہ گریت دوستی ء حونانی سرا
 کندگ ء مہر ء بدل تو چم ارساں تَرگتیں
 واری ء رنجاں نہ پروشت اے پُلّیں ورنہی منی
 تالہ ء کوریں نبشتہ تو تلالہ ء زَرگتیں
 ما دتی زندء مراداں وش تریں لیک ات ترا
 دوستی ء مہر ء وفا ء اے کشار ء بَرگتیں
 نپت ء پیر ء چہ تواراں انگت ء باقرگھ انت
 گوشاں پُکی ماں چتیں ء وت وتارا گرگتیں



جیونی پنجی پیغام شہیدانی نام

دلجماں من کہ تئی اے زلم ۽ دریا نوں ہُشیت
 روچ زوراک ۽ رونت کہ مکھیں ماتاں کُشیت
 تاں نباں من تو تپاک اے زند ۽ رگراہاں ہمک
 خون یک پیم ۽ رچنت ۽ ہش جونان ۽ دُشیت
 تنگوں پنجی ۽ منگ ۽ مکھیں مات ۽ کُشوک
 ودے چہ حد ۽ گوزیتیں زلم ۽ زمزیل وت پروشیت
 دُڑمن ۽ سینداں سرا من ماڈیان اش بُن دیاں
 شادہاں زند ۽ منی ماں کینگ ۽ آس ۽ جُشیت
 گر بہاں ما گنگ دائم ڈیہ ۽ اے پادمال کنوک
 بے وسائی وت سر ۽ کیت حوناں ناحق ۽ مُشیت
 تیر گواران ہم بہ بنت انت کہریں زوراک ۽ ستر
 راستی ۽ گپ ۽ بلے باقر وتی ہر جاہ گُشیت

چوں شموشاں من ترا یکیں دمان

آتر ء مسک ء زبادے تو وطن
 واہگ ء زند ء مرادے تو وطن
 ما تہی پگراں گر پتار مُجہتی
 دم پہ ساعت مارا یاد کائے وطن
 چوں شموشاں من ترا یکیں دمان

تو مرادیں زند ء مئے راہ ء نشان
 تو ملوریں واہگانی کلکشان
 تو اہمیتیں رُژن ء تالان کنوک
 تو دلانی مہر ء روکیں آزمان
 چوں شموشاں من ترا یکیں دمان

تئی گر ء گٹ ء تلاراں زیبدار
کوچک ء درچک ء ڈگاراں زیبدار
کور ء جنگل، کوہساراں زیبدار
تئی وطن پل ء بہاراں زیبدار
چوں شموشاں من ترا یکیں دمان



سَمینِ ماہ ءِ روج ءِ نیام ءِ ودی بیت

بہارگاہ ءِ پلاں چہ اوستے پدی بیت

تلاہیں منی زنداے ڈگال ءِ سوتنگ

کدی گردیت چلگ ءِ ہڑام کدی بیت

بہ سندیت انت رہشون تپاکی ءِ تاراں

چُشین ءِ پہلی ءِ گرانیں ردی بیت

ہمک ساعت غم بیت وٹی ءِ مستاک

ہمک شادِ ہاں چم ارساں دزدی بیت

کنیں ہرکس ءِ گول ما دوستی او باقر

مدام نیکیانی بدل مئے بدی بیت



وطن ماتیں

مگنداتے کدی سکی ہے زندہ مئے ارمان انت
وطن ماتیں، وطن ماتیں ترا پہ جان قربان انت

نہ کنزراں من کدی پشت تئی گوانک ء توارے بیت
ہزار رندہ بہ چکاس کہ دل ء کیس مئے ارمان انت

تئی پٹ ء گیا باناں، مدام لوٹیت بہارگا ہے
دل ء ہل ء وتی کہ ندر منی ساہ ء منی جان انت

ترا شادمان ء شادکامی بگنداتاں ہے ڈول ء
ٹری بلے تہاری کیت منی دگنیا اول ویران انت

بکن امروز ء نوں شادان بدے مہر باقر ء الم
وتی چٹانی ارساناں مدام پٹو کہ ریچان انت





مہر ء بانداتیں تو کتاب سوتلگ
 جنت ء اچلیں آ کتاب سوتلگ
 چوں ترا بکشائیت زمین، ء آزمان ء
 چونیں چیزے تو بے حساب سوتلگ
 مئے ہزار گنجیں گیدی ء مڈی
 ماہ لقاہ شہم ء تی زراب سوتلگ
 ہلک ء مئے حاجی ء جنیں چُک ء
 دُرس گناہ زرتگ آنت، ثواب سوتلگ
 کئی غم ء گپ ء نوں کنئے تالان
 کعبہ نیں دل تو پہ شراب سوتلگ
 چوں نہ باں کھر ء دیپان باقر
 نوں میار ننگ ء کہ نواب سوتلگ





تئیٰ حُسن ۽ جہر مدام جنت گرد کے
ہزاں شہر ۽ مُرتگ دگہ یک گنو کے

نہ سگاں تئیٰ چٹانی تیراں نہ سگاں
ٹینگ ۽ بے سوچ کہ اے مردم کشو کے

تئیٰ کندگاں گل سُریٹگ دل ۽ باگ
بِدار رگاں سُہریں مہ بیت آس رو کے

پکاریں منا منزل ۽ بُڑ ۽ بریں ۽
دگہ یک شریکے، دگہ یک سرو کے

بے ٹوہینیت باقر وتی راج ۽ داہیں
نہ گنداں من مرچاں دگہ شعر گشو کے





زرد ۽ منی اے حوناں رگانی تئی کہ رگاں
زُلیاں بیا بہ شنگین، ریچاں دل ۽ من ز رگاں

تو کنگانی پِل ۽ مروارداں بہ رتیج بس
نوشاں سباہی ۽ دوست من کدہانی بنگاں

لنٹاں سُمرین نریں پرچن تو بس توارے
لگاں رچیت سرگ دوست، گندے درء ملتگاں

تاں زندگاں من ننڊاں تئی واہگ ۽ وداراں
تاں آپی ۽ مڑاں من عشق ۽ تراگوں جنگاں

شہر ۽ جنگاں ماہیں گستا پدار او باقر
روچے ورے تو تیراں چمائی چہ پینگاں





نیائے پرچی گل مئے چارگ ء مرچاں
 دل ء درد ء من دمُرت دارگ ء مرچاں
 مئے حال ء سہی نئے تو جُست بکن باریں
 شپاں گوازیںاں ماگوں نارگ ء مرچاں
 ملوری مئے دل ء شُویں نہ رُوت وہے
 ترا گنداں من چو بے چارگ ء مرچاں
 بُزوراں کئی سرِیگ ء پھک کناں ارساں
 نہ سگاں چم مئے ارس ء گوارگ ء مرچاں
 چے پیم ء پھر بنداں من پرے زند ء
 نیت زیمیں دل ء کس، مارگ ء مرچاں
 مہ کن پریات بازیں تو ادا باقر
 نہ ماریت کس تئی اُپارگ ء مرچاں



ماتیں وطن

فدا ساہ ء جاں باتاں ماتیں وطن
پہ تو سر دیاں باتاں ماتیں وطن

پہ وشنامی دنیا ء ہر منزل ء
تئی نام ء گراں باتاں ماتیں وطن

ترا موہ بکشاں گلگ شونی ء
ہدوک چو جواں باتاں ماتیں وطن

اے مٹا پیں درچک ء کشار تئی مدام
چو پیل ء سرپاں باتاں ماتیں وطن

آ بدواہ کہ نکس ء پدا آنت تئی
آوت گار ء زیاں باتاں ماتیں وطن

منی حُب ء واہگ ہمیش انت مدام
پہ تو شعر گشاں باتاں ماتیں وطن



دلوں کپتنگ ماں دسواس ء

اناگاہ نیم شپ ء پاس ء

بہشت ء کپ کشتے پیداک

منی چٹاں گلہیں تاس ء

نیت برمش ء توارے تئی

سچاں تہنائی ء آس ء

چتور رُژن ء کتگ ہلک ء

تئی جیگ ء سر ء لاس ء

دل ء مئے شیشگیں برے

دتی چٹانی الماس ء

چے پیم ء در براں باقر

غم ء گرانیں اے چکاس ء





وش و ش ء کند برے چہ لُنٹاں گلاب بڑتیج

تاں زندگ نئے منی دوست، چٹاں شراب بڑتیج

مارا بکس بہ سوچ ء ارجاں وتی بجن

یک رندے بس وتی تو ٹھلانی داب بڑتیج

ہرچی شگ، شگ تئی دست ء نیت پدا

نوں دانگاناں تسیج ء تو ^{جے} ~~بلو~~ ^{سب} بڑتیج

آزاتی ء سپاہ توئے، بانوری ء رگام

مہرانی مئے ڈگار ء بیا پہ زراب بڑتیج

تثنانی تیر ء باقر پرواہ ء چچ مدار

دیوان ء ہر گلےں تو جوریں جواب بڑتیج



بیا کہ وت ۽ زوراک کنیں (شہید حمید ۽ پیغام)

چو شے مرید ۽ داگ داگ
 جان ۽ منی ہر بند ۽ بوگ
 واہگ چو کلماٹ ۽ منی
 پرگوستگ آنت چہ مئے دل ۽
 چو کہ پرشوکیں شیشگ ۽
 بوتگ دلوں پچنڈ پچنڈ منی
 چو ماتو ۽ جو ریں گشتے
 چانپٹ کن آنت زالم سر ۽
 چو گنگ ۽ کور ۽ بیرگ ۽
 بیگواہ آنت مئے نام ۽ نشان
 چہ بڑگ ۽ بڑگ تر آنت
 مئے برادل ۽ ماہیں گہار

نیست اِنْت اِدا کس ء کس
 ہر کس، کس ء چہ بے کس اِنْت
 اے وا جہیں مئے قوم ء راج
 وازمندگانی واسی اِنْت
 آشوبی اِنْت اے نوجوان
 مرچی ہلاس اِنْت تاگت ء
 غم وار نہ اِنْت کس، کسگی
 درد وار نہ اِنْت کس، کسگی
 او بڑکارا! او بڑکارا!
 چو بڑگ ء بڑگ مہ بو
 نیل اِنْت ظالم، زندگ ء
 چو بیرگ ء بیگواہ مہ بو
 نیلاں ترا اے زندگ ء
 بیا کہ وت ء زوراک کنیں
 مرچی پدا عہدے کنیں

چست ہیں چو ہیروپ ء وڑا
 بیراں گریں چہ دژمن ء
 چہ ظلم ء دیہی پنجگاں
 اے بڑگاں آجو کنیں
 مرگ ء مڑا ہے گوں کنیں
 دنیا ء ظلم ء ظالم ء
 نام ء نشان ء گار کنیں
 بیا کہ وت ء زوراک کنیں
 بیا کہ وت ء زوراک کنیں

پدا بیا یک برے چاراں ترا را

دل ۽ موجیں تئی انگت ودار انت
 پدا مہر ۽ جہان ۽ آہ ۽ زار انت
 نیت پڑام بہار ۽ دؤر گشتگ
 گلانی ٹھیلیں بلبل بے توار انت
 چشیں روچاں امل ماراں ترا را
 پدا بیا یک برے چاراں ترا را

منا یاتاں ہما نیادانی شپ تئی
 آ پللیں کنگ ۽ وٹیں آ گپ تئی
 بیان ات گونگیں مہرانی کسہ
 گوں موگائی من چار ات دپ تئی
 کجائے گل منی ماراں ترا را
 پدا بیا یک برے چاراں ترا را

شپاں مہکانیں بات تئی رُژن مہیل
 بہ سہوہیتیں منی آزر دگیں دل
 بہ باں پہکے شمشکار من چہ ہر کس
 منی دیما بہ بیت مہرانی منزل
 پہ من سرگوپ کدی ساراں ترا را
 پد ابیا یک برے چاراں ترا را

بکن کارے وتی واک ء وں ء تو
 مہ ریتین گیشتر ء اے بے کس ء تو
 بگنداں دروشم ء تنیگ ء بگنداں
 بیا بے بھست ء بیالیں گس ء تو
 شیوں نیادانی گیر کاراں ترا را
 پدا بیا یک برے چاراں ترا را



زندگی لال ء دروشم ء دژین انت

ڈیہہ منی ایمان، مہر منی دین انت

من پئے اوست ء سکلیاں زوراں

شادی یکش پمن ماجہن انت

رند تباہی ء بوت جبر تالان

کوڑہیں دنیا تپتگیں تین انت

کئے وت ء ہڈینیت سیک ء تنیگ ء

راہ مرادانی منزل ء مین انت

مُرتگ ء ایر انت باقر ء میت

چو تئی دستاں ہئی ء مین انت





زَرَّ ۽ کلات ۽ واہگ ۽ بچکندگاں حیرات کنت
چولاں زری لہڑیں دل ۽، نشنگ جنک زرگوات کنت

ہر سہب ۽ بیگاہ دوزہ ۽ من واہگانی پیلشاں
آ وشیانی جنت ۽ بیگاہ ۽ سہباں زیات کنت

من پہک ۽ دل و جم کتگ خشکیں بلے ریپینگ آنت
ہر روج آ کہ مرچی، ۽ ہر شپ پدا باندات کنت

زند ۽ غمانی گران ترین جیڑھ ۽ جنجال شاپتگ آنت
بس یلکیں تئی ترانگ انت پاساں شی شہمات کنت

پہ وٹش ۽ من آسودگی، دریا ۽ عشق ۽ دور کت
اے آس ۽ باریں لمبک ۽ مہلوک چتور اوشتات کنت

وٹشی ۽ باقر زور گوں توشہ ۽ گر نچے پہ وت ۽
رنج ۽ غم ۽ سال بلکن ۽ زند ۽ تئی نہیات کنت





غم ۽ رنجاں کتگ زند ۽ چہ بیزاری
چتور گران انت تئی زُلیپانی چمداری

پہ گپ ۽ ترانی ۽ تئی یک دمانے ۽
نہ روت انت تنگیں زرد ۽ مئے ہیٹاری

چہ پیم ۽ من بیاں زندگ اے دنیا ۽
گشت کہ بے علاج انت عشق ۽ بیماری

پمشکہ زاناں مرچاں پمن چو زہرے
ودار ۽ تئی کتگ شب روج رہچاری

کتگ بازینے تو رنج ۽ غماں آزات
کدی کیت انت حدایا باقر ۽ باری





ڈوبر ۽ دل منی کے الکا پ بہ بیت
 ایر برانے تری زہر ترند آپ بہ بیت
 پمّن ماہیں پری نیت گواراں بہ کنت
 مہر ۽ آوش نیتک ناچ ۽ نوکا پ بہ بیت
 مرگ ۽ جار ۽ نہ جنت گزریں ہلک ۽ کسے
 سوت ۽ سلوات بہ بیت زندوں زندا پ بہ بیت
 ہوش برجاہ نیاں، کوش ۽ زرشانی ۽
 مسک ۽ گوں عنبراں سرکہ تئی گواپ بہ بیت
 زگریں روچ ۽ سرا حوناں باقر بہ رتچ
 گرن ۽ چلگ جتیں جاہ اول میٹا پ بہ بیت





زور اکیں وہد ء نوکیں اے دلیراناں دیست
 عشق ء من چپ ء چوٹیں راہ ء دراناں دیست
 بخت ء بچار، کہ انگت زداں پمَن
 واسطہ ایشانی آس ء من انگراناں دیست
 چہ شیر ء جو ء آرگ، چچ مُزدے اول نہ رست
 فرہاد ء پیسیں مہر ء من مہتراناں دیست
 مہکانیں شپ منی بوت تامور چم کشے
 کہ ساعتے من کاشیں تئی مہپرانان دیست
 کسے اگاں بزانتیں، ایش انت منی نصیب
 ہرجاہ شتوں من اودا بس ناشرانان دیست
 باقر جتائی ء تئی مہرنگ ء ماہیں دیم
 نازرکیں پُل ء پیم ء چو گمُمرناں دیست





مہوشانی مچھی انت ء جی و جانی کس نہ انت
جُلگہیں شہر ء مروچی گپ ء ترانی کس نہ انت

ہر کسی دیم ء را گپتگ مروچی موتکی ء تپ ء
بے تواری ء گوزان انت عاشقانی کس نہ انت

میانچی ء بازار ء ناگت آ منا امبار بکنت
گنجیں کاٹانی رم ء چو بے انانی کس نہ انت

گندگ ء گل نشنگ انت اے گلزمین ء سربرا
بال انت بلکیں آزمان ء آزمانی کس نہ انت

گپتگ شہرء سرمچاراں شے مریدء مُپت ء کشک
چونیں کرنے گراں بہائیں، مرچی حائی کس نہ انت

مستی ء چولانی جوش ء چشتگے ترند آپ ء پٹ
دزوگ بستگ وازی ء کہ دنیا فانی کس نہ انت

مخشہء روح ء را باقر کانٹ پر نیست انت دگہ
ایوکی ء بارے زند، تئی زندمانی کس نہ انت



مہر ءِ دابانی پاکیں درگاہ بیت
دین ءِ دنیا مئے لال ءِ پیرگاہ بیت

سمبہیناں من زند ءِ آ کشک ءِ
تئی گوزگ اودا سہب ءِ بیگاہ بیت

تزانگ ءِ کیت انت تئی لقاہ ءِ شہم
کنت حدا سجدہ، عشق ءِ ہمراہ بیت

دین ءِ بیپاری درکپاں رُمب رُمب
راج ءِ چک پروشی دائم برجاہ بیت

آہ ءِ اپاراں سال ءِ کرنے گوست
انگت مہرانی ہلک ءِ جنگ جاہ بیت

کہر ءِ سیاہی تئی عاقبت باقر
زند ءِ آزمان ءِ محبت ءِ رنگراہ بیت





پُل گدیں شاری گوں مگر ہیں دستان
بیا منا امبار ء یل بکن کستان

تو منی زند ء گڈ سری اُمیت
شاہ ء بندی ء پہ ترا جستان

ہلک ء مہلوک ء پاکیں مہر ء گوں
دزدوگ ء بہتام سد ہزار بستان

اے کجام کوہ ء آ کجام کوچک
منزلے چونیں باریں من رستان

بید چہ مرگ ء راہ یے نیست باقر
پہ تی کُوش ء شہر ء دُنگ مستان





غم ء آس ء سُچان ء بیا
مہ نند دیر ء دمان ء بیا

دگہ دنیا یے ء واب ئے
”کدی تو مئے جہان ء بیا“

وت ء را سببہمین ہر ڈول
گوں مسک ء زاپران ء بیا

پگند ئے روج ء استالاں
منی مہر ء گدان ء بیا

غمانی کورء ہارے کیت
شب و روج ء تچان ء بیا

تئی کولیک من باتاں
گوں ہالیکیں گشان ء بیا

ملوریں رہسراں باقر
وقی جند ء زبان ء بیا



گلیں جہان ء کیلیں تو شر ترے اہل
بے مٹ ء بے بہائے، بے درورے اہل

امروز ء مانشانیت سیاہ ء بزیں شے
ہر دیں مجھیں ء مُورک ء دیم ء گرے اہل

ماہ ء چہ رنگ زُرنگ تئی دروِشم ء گلیں
تو محورے جنتی ء تو گوہرے اہل

لنچیں غمانی آس ء ما پیلشاں، سُچاں
مارا کدی تو ساہگ ء مہر ء برے اہل

دوست چوں نداریت باقرتئی داب ء تراکاں
تو ہر شپ ء چو بانور پیداوے اہل





مہمیری وہدے ہمسراں گول بیت
دل منی آس ء انگراں گول بیت

تو منا ہر ڈول ء بکن دلپروش
نام منی شعری دپتراں گول بیت

اُتھ سر ء برانز گر ما نباں ہجیر
رستری کارے، رستراں گول بیت

من نہ ترساں چہ تھون ء ٹاکوراں
ہر شگان عشق ء پتراں گول بیت

جہ جن انت آشوب ء غم ء اندوہ
گول بدال مہلنخ رہسراں گول بیت

من چو ہیروپ ء کہ کناں باہند
 وہد چو دؤر ء چاکراں گوں بیت

چچ نیت کار ء جاک تئی ہشکین
 سرمئی وہدے بے سراں گوں بیت

کہ پشل دیم ء ہرچی تئی بیت انت
 چونی ء تئی رنگ دروراں گوں بیت

تئی نہ انت کارے نرم دلیں مونس
 اے دل ء ارمان دلہراں گوں بیت





ما بہ لوٹاں آ دمان ء گار بیت
رستگیاں راہ ء دمان ء گار بیت

ما وتی لُٹاناں داشک انگت ء
در بیت دُعایے زبان ء گار بیت

شُر تر انت انگت بہ بیت مارا حیاں
تیر در بیت چہ کمان ء گار بیت

یاں بکن دُورے ادا انجیں بیت
مہر ء دوستی پہ نشان ء گار بیت

ترندے شہماتے مہ سگیت عاشقے
عشق ۽ کشک ۽ سرجنان ۽ گار بیت

دل منی انگت ملور انت پہ کج ۽
چونیں گوہر اف! جہان ۽ گار بیت

گواہ بکن باقر! تئی جُست ۽ پدا
در بیت گلّیں زمانہ گار بیت





عشق ء تئ بے قرار من ایوک ء نیاں
آستیں گنوک ہزار من ایوک ء نیاں

تو ہر کس ء بچار زنگ ء ہمیشی جنت
زند ء چہ نوں شزار من ایوک ء نیاں

چٹان اش واب نیت، استال ء بام ء تاں
نیمست ہر کس ء قرار من ایوک ء نیاں

یا رب ہزار است مئے ڈولیں در پہ در
تئ رحمت اش پکار من ایوک ء نیاں

بے بہر انت دائم ء دنیا ء ویشیاں
اے بوجی ء سوار من ایوک ء نیاں

باز بیوسے دگہ آس ء تھا بُن انت
گوں اندوہاں دُچار من ایوک ء نیاں

کہ عالم اش فدا باقر بہ بیت سر ء
شاعر دگہ ہزار من ایوک ء نیاں



جاہے مہتابی، جاہے شاہی انت
اے گج ۽ باریں تئی حدائی انت

تنگی مُرتاں، دانکے ۽ مہر ۽
تیوگیں شہر ۽ بے سمائی انت

آہ ۽ اُپاراں مئے جہان بیزار
دائم ۽ توسیپ، تئی ستائی انت

نشگ ۽ پورانی سرا میک ۽
نگ بازار ۽ تئی بہائی انت

من نیاں ایوک دیمپان کھر ۽
ہر درَا سرکش ناروائی انت

چونیں دورے پہ تنگوں بچاں
منگہیں ماتاں بدعائی انت



زندء اُمیت ءے آسری

ماہ گوئیں دلبر منی
 زندء اُمیت ءے آسری
 یلّیں ترا زیارت کناں
 یک کعبہ یے آبات کناں
 زردء مرادء منزلء
 پیشتگیں رنجیں دلء
 مہرء چراگء روک کناں
 آسے دگہ لمبوک کناں
 وُشیء نیادء سُبھت ءے
 پیٹاریں زردء لذت ءے
 ساہء نپّس، ارواح منی
 زندء اُمیت ءے آسری
 امروزء کُلاں شر ترے

خورانی مٹ ۽ درورے
 نیست انت تئی رنگ ۽ بہا
 نیست انت تئی ڈولیں ادا
 شہر ۽ تو یلکس دانگ ۽
 چہ ہر کس ۽ بے ترانگ ۽
 مہر ۽ گنوکانی رم ۽
 یکے مناں، گوناں غم ۽
 نیا داں تئی دلاں گاں
 مہر ۽ تئی دیواں گاں
 زرداری ۽ حُب ۽ درا
 مہر ۽ بکن دوست ہاترا
 پٹو ادا یلکس مناں
 مرگ ۽ مڑا ہے گوں کناں
 ماہ گوئگیں ماہیں پری
 زند ۽ اُمیت ۽ آسری



دیدگاں چہ تر و نگلیں ارساں وتی گوارے پدا
 من نباں گندگ منی راہ ء اگاں چارے پدا
 شنگ کنے ملگوراں مسکیں ماہیں دیم ء چار دی
 ایوکی ء ساعتاں وہدے منا مارے پدا
 یات منی پاساں شپانی گیر بیاریت انت اگاں
 تو گڈا مہرنگ منارا نوں کجا کارے پدا
 کہ ہدوک انت دل منی سک مہریں اوسرگوپاں
 واہگانی بیا گلیں بانور ء سینگارے پدا
 من اگاں بیگواہ باں اے کہریں امروز ء مچاں
 تو گڈا باقر منی عکس ء دل ء دارے پدا





گناہ ء لذت ثواب ء گوازینت
 ما عشق ء ساعت عذاب ء گوازینت
 گشت ایں مردم کہ شادماں کنت
 بلے منی زند شراب ء گوازینت
 اے کرن ء ٹھیلیں ہما تو کاڑے
 کہ باز عاشق گوں داب ء گوازینت
 اے کپتہ کار ء نہ ساچیت امروز
 کہ دست ء جنت گلاب ء گوازینت
 نہ بیت نوں ہنکین مہر ء اندیم
 تو تیر چماں نقاب ء گوازینت
 اے کوریں دیداں کہ گار بوت رُژن
 من وانگ ء حد کتاب ء گوازینت





غم دلء سوچ آنت بیا غماں سوچ ^{ایک}
 ترانگ ء زہیر ء مولماں سوچ ^{ایک}

سد براں دروہنت دؤر دینت چات ء
 وش تب ء ٹہلیں دروشماں سوچ ^{ایک}

چنگے نوکیں بیا کناں زیارت
 کوہنگیں آپ ء زُم زُماں سوچ ^{ایک}

یل کناں من چوں پیرک ء کشک ء
 آؤ! منی ہلک ء حاکماں سوچ ^{ایک}

کئیت توپانیں ہوؤر ء سیہ گواتے
 ساری ء کونجانی رماں سوچ ^{ایک}

عشق ء بُنگیج ء ایر کناں باقر
 یات ء آ دؤر ء موسماں سوچ ات



شہرِ منیٰ شہرِ جنک

زَند ءِ وَتِ یَکیں ترا
دوست داشتگوں ساہ ءِ سرا
دیم ءِ پَ کنز، دیمِ درا
مہراں بگوار چو جمبر ءِ

گِلمان ءِ نوراں گہترے
شہر ءِ جنکاں شر ترے
واہگ دل ءِ، مہر ءِ برے
بے مٹ تو، بے درورے

تو مہوشانی چہ رم ۛ
 درکن وتی ہیر دروشم ۛ
 بلا کناں کتے دم ۛ
 ارزاں بکن گرانیں غم ۛ

پتو ہدوک، دیوانگاں
 مہراں تئی دلمانگاں
 مارا مہ گچ ات تراںگاں
 دل مان نہ بیت دُر دانگاں

گوں تو جبر سک باز کنگ
 لوٹیت ایں دل امباز کنگ
 نوں من زاناں چے کناں
 ہر روج نخرہ، ناز کنگ

نُرساں دل ء آزار بے
گوں من مڑے بیزار بے
کسے ء چُک یا گُوہار بے
یا یکے ء دشتار بے

زرد ء غماں پُدر کناں
نام ء تئی اندر کناں
شہر ء منی دُردانگاں
واباں وتی بندر کناں



نیمِ شہی پاساں گوزو کے درکیت
زندہ ءِ رُنگِ راہاں گنو کے درکیت

آگہیں چٹاں گوں گنداں من و اب
آزمان ءِ دگہ نو کے درکیت

پاکیں مئے مہر بہ رگیت چہ بداں
کینگ ءِ آس ءِ سچو کے درکیت

ہرجی گیشیناں من، مانگیشاں پدا
چونیں کشکے یک ہڑو کے درکیت

قہر کمتر بتیاں باقر وہدے
بیرگ ءِ گرند ءِ گرو کے درکیت





دل تہا سنگ کبابِ انت کس نرانتِ انت انگت ء
دوستی ء آسر عذابِ انت کس نرانتِ انت انگت ء

آ کہ زانِ انت، مچ کنانِ انت مال ء مدی ء متاہ
مربچی ہر چیز پہ حسابِ انت کس نرانتِ انت انگت ء

ہر کس ء بوجیکے گونِ انت دور کنانِ انت شرنگاں
دور چوں عشق ء تیابِ انت کس نرانتِ انت انگت ء

جاہے ء مرگ ء جنگ بیت جار مشیت ء مردماں
جاہے ء چنگ ء ربابِ انت کس نرانتِ انت انگت ء

ہر کس زانت کہ مجتبیٰ آ زند ء ہمراہِ انت منی
نی منا گوں جوڑ جوابِ انت کس نرانتِ انت انگت ء

شاعری ء رپک ء رازاں بخت بگر چہ باقر ء
چو پچیں پٹن کتابِ انت کس نرانتِ انت انگت ء





ماہیں گوناپ چیر دا تگ تو گشتے مہگر کتگ
 گار انت کشکوں واہگانی ہوش سرء تو بر کتگ
 وت شتے نشتے تہا باریں کجام تو مڈی
 مارا دور دات گپچلی ء، ء وت ء یگر کتگ
 ایوک ء اے تو نئے کہ مہرء راہ ء بوت نے رد
 شہر ء ماہیں ہر جنک ء مرچاں بوگے پر کتگ
 نوں شگنر ء پشکری ء رند پھم ات مردماں
 دُنکے ء را ما وتی اے میتگ ء مستر کتگ
 کس تئی گواجار ء پدا نوں، نیت نیادے پتر ء
 کودکیں زہگی ء ڈول ء پرچا مرچی گر کتگ
 شاعری ء توک ء باقر عھ میار نام ء پدا
 نشنگ نے دیما جہان ء تو وتارا شتر کتگ





مئے دل ۽ واہگ انت چو مثال ۽ بہ باں
کئید ماہ گونگ ۽ زلپ ۽ ٹال ۽ بہ باں

کشیٹ سارتیں سمین یا کہ تبد ۽ لوار
دم پہ ساعت تئی من حیاں ۽ بہ باں

سزپ چو پیل ۽ گلاب ۽ مئے باگ ۽ دل ۽
گل! انارکائی تئی رنگ چو لال ۽ بہ باں

مہر ۽ دلانگی داں کہ مڑ ۽ منیت
کار روچی ۽ بلے سال ۽ بہ باں

جون ایر بیت منی ہر دیں آ روچ کیت
نود ساچاں بہ بنت، مرگ بال ۽ بہ باں

دڑیں دانک باقر ۽ یات کیت ہر کس ۽
مہر ۽ دیوان ۽ دوست گپ ۽ گال ۽ بہ باں





اُمیت ء واہگانی ماہ بدل بوتیں
کسے ء گوں منی کہ ساہ بدل بوتیں

من سستاں آزمان ء تیوگیں استال
بلے اے چپ ء چوٹیں راہ بدل بوتیں

نہ لوٹ ات دوست دگہ بچی من امروز ء
گنوکى ء منی پیڑگاہ بدل بوتیں

زراں پہ نوبتاں شہدیں ہمک سہب ء
غمانی سرگیں بیگاہ بدل بوتیں

بہ ذروہیت راہ ء نیم ء منزل ء چہ پیش
ادارکی چشیں ہمراہ بدل بوتیں

گتیں چے واہگ ء مرگ ء ابید، باقر
گلیں دیوان ء زیب ء براہ بدل بوتیں



نزیر صوفی ء گوں پہلی

تو انجیں وڑے درگج کردار بہ بیت باندا
مہر ء آ منی بدواہ مُردار بہ بیت باندا

ماں عشق ء پڑا سی روج کس دُور نہ کنت ہمیل
آ کار کہ باندات انت آ کار بہ بیت باندا

میرو ء لڑ ء ہنکین سرسبز بہ بیت روپے
ہر پٹ ء پڑ ء کوہ دیم بازار بہ بیت باندا

آ کہ گلیں حائی ء چہ شے ء پلّیت باسکاں
زوراک ء چُشیں چاکر چمدار بہ بیت باندا

کلدارؔ پہ ناچ کنت انت دنیاؔ وڑاہیں مہلوک
آپسوز ء ہزار ارمان کلدار بہ بیت باندا

چچ ڈولیں زمین چنڈے دنیاؔ تئی نیت انت
نیزگارے اگاں ہلک ء ازگار بہ بیت باندا

بیا رند پدے درگجیں گواہی ء وتی باقر
ہر شہر ء مسیت ء چہ گواہار بہ بیت باندا

گؤاجار

دوزہیں تئی غم ء آس ء دنیا سُچات
ساہ ء ساہداراں چہ یکے زندگ مبات

مہریں دانکے نہ کنت گہراں گؤاراں کنت
وَش نیتک واہگ ء باگ ء ویران کنت
چند ء مئے گاری ء، گار ء بیگواہ بہ بات
ساہ ء ساہداراں چہ یکے زندگ مبات

انچو بمبور سَتک بندرے گار بوت
انچو میری کلات حاک ء سر بار بوت
انچیں آسے کپات دزاہیں بازار سُچات
ساہ ء ساہداراں چہ یکے زندگ مبات

کُشت ۽ کُوش ۽ نِدار ل ہر جاہ گوارا نیں تیر
 باریں کد جہ بہ جنت میریں بالاچ ۽ بیر
 ہر تہاریں شپاں خون ۽ رنگاں رُجات
 ساہ ۽ ساہداراں چہ یکے زندگ مبات

چہ گلاباں پدا بلبے بات ودی
 مند ۽ پلّیں دگہ فاضلے بات ودی
 لال ۽ مُرواردیں گالاں کتار کنات
 ساہ ۽ ساہداراں چہ یکے زندگ مبات



مہکان بہ بیت ماہ ء، روج ء چو بہ بیت روشن
زانگ آنہ بیت ہجیر، شیطان ء بلے باتن

نوں ڈہل جنئے شر یا گوا جارئے ہمک دمک ء
کئے انت کہ نہ لوٹیت انت وش تامی نیں آوردن

تین ء را نہ براہیت کہ جنت تا پگاں ٹاکوراں
تو زنڈیں دپار وارنگ دست بوٹگاں گوں روگن

ریپینگ ء باز ریپینٹ، منی ڈول ء تو باز ردّ دات
اے حق ء منی اوبال ء سانڈیں تئی گردن

کس دامء تہانیت انت گپانی نہ بگیت دوست
نوں تلک بکن چیر تو یا کشکاں بہ جن آسن

پل چنڈیں تئی دپ ہم بوہ مسکء بشانیت ایں
پروش شیشگاں عطرائی دیوالاں بہ جن لوشن

متاں کہ ترا زرنیست، تئی ہرچ کجا کیت انت
ہیل کرتگ ورگ مپیتی، مہ بو اشترء تو گچن

زرائی حساب باقر اے رنگء نہ بیت زانگ
کئے زانت نغن چنت انت درنگء کہ بہ بیت شیکن





ودار ء تئ دل من داراں کتگ
من دردانی توپان ماراں کتگ

شپ ء سچہیں من پہ بے دابی ء
تئ راہ یکشل من چاراں کتگ

نیت حال ء احوالے نیکیں تئ
پرچہ من گورگیں گلے ساراں کتگ

منی شہر ء مہلوک ء دل ایر نہ روت
منی چٹاں چو ہور ء گواراں کتگ

دل ء دور مدے نوں تو باقر وتی
غم ء گرانیں محنت کہ شاراں کتگ



نمیرا نیں مہر

روچے کہ من سر سر جناں

ء در کپاں چہ پیٹگ ء

پہ سستیل ء سواد ء ہاترا

روچے کہ تو سر سر جنتے

ء در کپے چہ پیٹگ ء

پہ سستیل ء سواد ء ہاترا



گوازیں آڈوک ء ڈلاں

گٹ ء تلارانی سراں

ہلّیں ہما کوہ ء بُن ء

گوگائی کاشیں کڈک ء

کاہنت منارا یا ت ء گیر

شینز اراں زہیروک ء جناں

من انگت ء دیما روال

جاڑیں کہیر؎ ساہگ؎
 نندان؎ اپسوزاں وراں
 ورنائی؎ آگوستگیں
 بیگانی تئی ساہگ بزیں
 توگذا تو؎ ڈول؎ کتگ
 چو کہ منارا گزات برے
 سبزیں اے سولانی بُن؎
 نیم روج؎ ٹاک؎ وپتگ؎
 کونش زانسروں سرجاہ کتگ
 روج انچوتاں بیگاہ کتگ
 سبزیں اے سول منے شاہد آنت
 گیر؎ کُتر گزاہی دینیت



انوں بلئے
 پدچہ ودار؎ مُندتے
 روچے انا گاہ؎ دو بر

من تو کہ ہر دیں ڈیک وراں
 مہرؔ و فاء اے نشان
 کولؔ قرارانی دمان
 دل ترا نگے جھلمیں کپیت
 امبازاں زوراں من ترا
 ساہ ڈوبرؔ در کیت منی
 ساہ ڈوبرؔ در کیت تئی
 ماہر دو نیں جہلا دباں
 جون ہر دکانی ایر بنت
 یک شوانگے واریں گو زیت
 ہلکؔ را گلےں حال دنت
 مردم در ہیں حیران بنت
 بیتگ گلےں ویران بنت
 ہر کس وتی کاریت دلؔ
 دردؔ غماں ماریت دلؔ



ہلکے کماش گوا جا رونت

”جی او! بچارے مردماں

چونیں اے مہرے

نوبتے

نام نمازی یے بچک بوتگ

بلے

مرچی ہے گیڑے گورے

ہر جان انت ذگری کاڑیء“

☆

یک شاعرے اوشتاگ ات

بچکند ات گشتے

”بچار!“

مہر ذات غزریات چہ پاک

دین مزہب گستاچہ مہر

مہر انت نمیران دائمے“

ورنہاء گوانک

جند ء دزگیر کن ئے پگر دزگیر نباں
 زانت ء رُژن ء رَہ ء شعر دزگیر نباں
 کھر بنت اے تئی مال ء مڈی ء زَر
 عشق ء راہ ء گنوک! مہر دزگیر نباں

نوں کلاتاں گرے ء گرے ماڑیاں
 بان ء بادگیر ء گلیں اے پٹ ء پڑاں
 کوہ ء کوہ دیم، سول ء گھیں کوچکاں
 آپ ء شہ کور، بر ء گیابیں لداں

شہراں تو گپت کن ئے بمب ء زور ء سرء
 چچاں چورہ کن ئے زار بیت ہر گور ء
 کوچکاں آس دیے، درچکاں تو گوں برء
 تیر گوارین ء تو سینگانی سر ء

جون بندىگ بيت، خون بندى نباں
 رُژن بندىگ نہ بيت رون بندى نباں
 منگہیں ماتیں گلزمين ء توار
 نوں بگش! سولیں بچّ چون بندىگ نباں

بيل ء همبل منى بندى جاہ ء تہا
 زار، پریات بيت، زہیراں نالان بنت
 قہر ہرچنت کن ءے ہنچو تو ہم بزان
 پلاں بندىگ کن ءے بوہے تالان بيت



ماتیں وطن مہرء دیار

ماتیں وطن مہرء دیار
بولان ء ہار زرد ء قرار

تئی کوچک ء پٹ ء پڑاں
تئی کوہ ء گٹ ء تہہراں
تئی باگ ء درچک ء نیوگاں
میٹاپیں ولانی براں
تئی برکت ء گیدی بہار
ماتیں وطن مہرء دیار
وت واہجی ء شون دیوک
یک پگری ء آگاہ کنوک
منے داہگانی براہ منے تو
ریٹاہاں من رُژن ء گنوک



ہر دیں کہ واہگانی گلہیں رنگ بیت درا

زند ء پڑا بچار کہ پدا جنگ بیت درا

حون وار ء دنگ بہ بنت ر ہشون ء راہبری

بازار ء غیرت بیگ ء ہر ننگ بیت درا

عشق ء گنوک کلں پہ تئی ترانے ء زر آنت

چرس ء شراب ء ہوری ء نوں بنگ بیت درا

ہمشمای ء بلاہ ء منا کشت ء گار کت

گوں تو کباب ء سبجیگ ء ونگ بیت درا

باقر بہ سوچ ناچی نیں سوتانی اش کنگ

راجی سرور ء ساز، دپ ء چنگ بیت درا





بِدار گشتا نکء انگت بے قراری انت
گلیں دیوان پہ کسے ء وداری انت

نہ پوہ نئے چپٹ ء چاگرد ء رڈیاں تو
بدل ارس ء مروچاں خون گزاری انت

شپ انت ء چلگی جاہے سروں کپتگ
یکسماں کہ منی زند ء نوں باری انت

ادا نیست انت دمانے واب ء وٹی
ہمک ہلک ء گدان ء واہ ء زاری انت

نہ ٹرساں من شپانی ہیتم ناکى ء
دریگ ء ترانگانی روک شاری انت

چیا باقر ندارے تو وقی گپاں
ترا چہ گلیں عالم نوں شزاری انت





واہگ ء ہلک ء گوازان انت دل منی
 منزل ء شون ء دیان انت دل منی
 پہ تئی ناڑریں تب ء گوں گندگ ء
 شیشگ ء ڈول ء پروشان انت دل منی
 دُرستان یل داتگ منارا زندگی
 جند پرے حال ء رسان انت دل منی
 نیائے بوہ ء گوں دُناں ماہ دیم چیا
 نیاداں مرچی تئی زَراں انت دل منی
 سنگت ء بیلانی نشگ پٹر ء
 باریں باقرچے گُشان انت دل منی





غم ۽ رنجانی تئی دیمپان من اِتاں
دَہر ۽ ناحقی ۽ ہرجان من اِتاں

توئے بے پرواہ ماں دنیا ۽ مدام
آس ۽ مہریگ ۽ اول بریان من اِتاں

شانک بدئے چٹاں وتی کڑ ۽ گوراں
ایوک ۽ تژنانی ہرجان من اِتاں

قہر ۽ دیوان ۽ تئی او زوراک!
سکّیاں ہر وڑیں قربان من اِتاں

نیت دپ ۽ باقر تئی گالے لگیں
مجلس ۽ شکلیں شعراں من اِتاں





رستہ ۽ گرکاں پرندوشی چے پیم ۽ گل کتگ
 بیتگ ۽ شوانگ ماں واپ ۽ ناگہانی تل کتگ

دروگیں وٹی پدرا انت مرچی دیم ۽ ہر کسی
 باریں ہنکین ۽ کجام جون ما غمانی گل کتگ

نشتگاں دُڑ گوں گزیراں شعرجنان ۽ ناچ کنان
 رند گیری ۽ ایشانی پاد من تراول کتگ

تو آدار کے نہ سگ ۽ روج ۽ بزانزاں گونڈ وکیں
 دوزہیں تئی تزانگاں گوں دل وتی من جل کتگ

ہوڑ ایردنت، تزونگلیں ارساں وتی ریچاں باں
 آزمان ۽ پمن ۽ کہ جیک وتی میچل کتگ

گچلیں دانکانی باقر چوں بہ ماراں تہلی ۽
 من پمیشکہ دائم ۽ جویریں براناں ول کتگ





دل گشتے آس ء آسرا نشنگ
بینگیں واس ء آسرا نشنگ

شل سریں تیر ء کنڈگاں گستا
آسی باس ء آسرا نشنگ

ما گسد، گوہر قیمتی لوٹ ات
ماہ پری لاس ء آسرا نشنگ

سرجمیں یلدا تگ کس ء سیاداں
چورہی ء ماس ء آسرا نشنگ

زندگی دؤر داتیں ترا چات ء
اوست کہ تاس ء آسرا نشنگ

بلکیں پاتراپ ء سگیت پہہارے
باقر انت براس ء آسرا نشنگ





منی ہمراہ رُہے رہگوزی آنت
نزان آنت چچ دِلانی سنگتی آنت

ادا ہر یکے سازیت دزوگ ء و سناچ
ادے مردم دُرہیں بے باوری آنت

وتی جند ء آ لوٹیت شادماناں
دراں چہ سد دراں سک ناوسی آنت

ایبتکیں موسمے ء شہر انت پُرسِیگ
گش ~~انت~~ کِشک ء سرا دُرس تربتی آنت

گش

ہمک چیز ء نہاد گران انت مروچاں
ہمک لوگ ء تھا ذال بڑگی آنت

منی باتیں بہا ہر دانک باقر
ملوراں نشتگاں سک من غمی آنت





عشق ۽ آس ۽ چوں سُچان ۽ پیلُشان اِنْت دل منی
چچ نہ گنداں مہر دانے پہک بڑ جان اِنْت دل منی

ایوکی ۽ دوزہیں من ساعتاں بَش بَش وراں
گنجاں شہر ۽ چہ زبہر ۽ تلوسان اِنْت دل منی

ساہگ ۽ اُمیت ۽ درچک ۽ نشتگاں داں کرنے بیت
چچ نہ سگیت چچ نہ ماریت جل جشان اِنْت دل منی

آگہیں چمّاں گوں دیستگ باگ ۽ زند ۽ یک برے
شیشگ ۽ ڈول ۽ ہما اِنْت کہ پزِ شان اِنْت دل منی

بنت باقر گال رد ۽ بند تو نزان ئے یکبرے
شیرکینیں داکاناں در ۽ کنت وش لسان اِنْت دل منی





ترا سہت ء ترا زیور، ترا سُہر ء گُشان بکشات
 وتی نام گیتھی ء نام ء ہمک تہریں جہان بکشات

منی مہر ء بہ بیت کسہ ہمک کس ء دپ ء شہدیں
 وتی ہلک ء جنکاناں گلےیں عشق ء نشان بکشات

وپا ء دوستی ء سوگند تو وارنگ باز براں چوشیں
 اے رندی ترا بانک تئی رہنیں زبان بکشات

نیاں شاہے من داد بکشیں، پہ میر ء چو کہ شیرازی
 جنانی لب ء پرداچاں، اے باگیں مکران بکشات

دل ۽ داریت منی ڈول ۽ ترا را کئے بکشت باریں
 وتی زند ۽ غم ۽ جاگہ، منا کہ شادمان بکشتات

کجام ڈول ۽ آ سینگاریت، کجام ڈول ۽ پلگارایت
 تئی دیم ۽ لقاہ ۽ را، اے ماہ ۽ ماہکان بکشتات

مروچی آ گل انت کندیت پہ نازی ۽ کشیت باقر
 حرابی من نہ کت پٹو وتی من ۽، من جان بکشتات



مرادانی گلیں منزل من گوازینت راہ چاری ء
تئی رنگ انت کہ رُژناہ کنت شپانی سیہ تہاری ء

گوزانتیں روج گوں تہنائی منی اے جُلگہیں شہر ء
شپاں کہریں اوں گوازیناں ملور ء بے قراری ء

دپ ء درنیت یک دانکے، جنئے چکے ناں بچکندے
گس ء نژیک تر ء کائے گوزنئے چو بے کماری ء

ثمرد ء است مند ء چہ مروچاں ملکموت نرسیت
دماں ء بارت نرورین ء آساہ ء گرون ء واری ء

حساب ء روج باقرچوں گوزانت ایں کہریں دُگال ء
بہارگاہے بہ کنت واتر، کجام آ دور ء باری ء





کیپاں تینگے بگر، زرد ء آس ء شמוש
مہر ء گپ ء بکن بوہ ء پاس ء شמוש

نند ء نیادے بہ بیت یک دگہ رندی ء
گپ گپ ء تھا اے وتاس ء شמוש

تواوں براس ئے منی، قوم ء آریز ء کس
چیا منا چوکشتے جند ء براس ء شמוש

مرگ انگت گھ انت بے وتیں زندگی ء
ایر بہ بر کچلاں بنگ ء تاس ء شמוש

آ کہ گوازیںنگاں گوں من تو اہوتی
نیم شپانی امل پاس پاس ء شמוש

زرد ء جاگہ بدے گالاں بیا باقر ء
بس دل ء بند، غم ء دسواس ء شמוש



چار بندی

شہر ء اے بازارں کپات آسے
سرجمیں مالدارں کپات آسے

مارا رنجیننگ سرجمیں زندہ
زالمیں سرداراں کپات آسے

چار بندی

کستہاں چیا گوئگیں تالاں کنئے

مئے دل ء را پٹی ء نالاں کنئے

روچے ء مژ کہ نیت دست ء

کار مپت ء پرچیا ء سالاں کنئے

چار بندی

پئے دومی ء زہر ء خون ء خون رپچی انت

نشتگاں کساب شہر ء خون ء خون رپچی انت

کنہ ء بگلش! بیاراں، حق ء راستی ء کبتیگ ء

تیوگیں بگند دہر ء خون ء خون رپچی انت



گؤاچار

باقر علی شاہ کرتقی پسند مکتبہ پگہ شاعرے کہ آئی شاعری
انسانی چا گردہ آئی جیڑ بانی سراوانوک جیڑ گ پرمانیت۔ آئی شاعری
گیشتر بنگپ، مہر، دوستی انت بلے آئی شاعری پگہ یک بہرے بزرگ،
پوریا گر، زوراک، نرور ایمنی، انصاف، راج دوستی، وطن دوستی، حق
پرستی، ہمگر نچ انت۔

اے کتاب، بازیں شعر آئی، ورنائی، دور، در شائگیں
خیال انت ہمیشکہ بگندے جاگے جاگے از می، پگری نروری اول گندگ
بنیت۔ آئی، در شاداب سادہ، روایتی رنگ، انت۔ بلے پگہ چہ فطرت
چا گردہ گستا، آن نیچرل، انت، آنیچرل شاعری، منوگرے۔

کرنگ ات باقر! بہشت کہ بزرگاں پہ واگے
پنلیں مہر، دوستیانی ہلک میراں آس دات

شعیب شاداب

ISBN 978-969-680-067-5



9 789696 800675

بلوچی اکیڈمی کوئٹہ

